

13. júní 1972.

359

Nr. 161.

GJALDSKRÁ fyrir Rafveitu Akraness.

Rafveita Akraness selur raforku á þann hátt og við því verði, sem hér segir:

I. KAFLI

I. Almenn notkun:

A.1. Til lýsingar: Um kwst.-mæli á kr. 2.59 hverja kwst. auk fastagjalds, er reiknast þannig:

Kr. 4.26 á mánuði af hverjum m² gólfplatar, er lýsa skal. Þó skal aðeins reikna helming gólfplatar til gjalda í göngum og geymslum o. þ. h. Einnig í sjúkrahúsum, elliheimilum, vistheimilum fyrir börn. Ákvæði þetta nær ekki til starfsmannabústaða þessara stofnana.

B.1. Til heimilisnotkunar: Um kwst.-mæli kr. 2.20 hverja kwst. auk fastagjalds, er reiknast þannig:

Kr. 18.60 á mánuði fyrir hvert herbergi, sem ætlað er til íbúðar og eldhús. Herbergi, sem er minna en 5 m² skal reikna sem hálf, en ef herbergi er stærra en 25 m² skal reikna hverja byrjaða 25 m² sem herbergi.

C.1. Til véla: Um kwst.-mæli kr. 2.59 hverja kwst. auk fastagjalds, er reiknast þannig:

Kr. 55.00 á mánuði fyrir hvert kw. í ástimpluðu rafafli fastra vinnuvéla. Eftir þessum lið má einnig selja raforku án fastagjalds til eldunar- og þvottatækja í sjúkrahúsum, elliheimilum, vistheimilum barna og í gisti- og veitingahúsum.

Um kwst.-mæli án fastagjalds þannig:

A.2. Til lýsingar og ýmissa nota, sem ekki verða felld undir aðra liði gjaldskrárinnar:

Kr. 10.56 fyrir hverja kwst.

B.2. Til véla og vinnulagna í byggingum í smíðum og til véla við Akranesshöfn:

Kr. 5.50 fyrir hverja kwst.

C.2. Til véla í matvælaíðnaði:

Kr. 1.93 fyrir hverja kwst., enda sé uppsett rafafli fastra véla yfir 40 kw. og árlegur nýtingartími vélanna eigi skemmri en 1200 kwst. á hvert uppsett kw. þeirra. Rafveitan áskilur sér rétt til að rjúfa strauminn í allt að 1½ klst. á dag um hádegið á tíma mesta álags. Eftir þessum gjaldskrárlið má einnig selja raforku til rafsudu málma.

D.2. Til götu- og hafnarlýsingar:

Samkvæmt árlegri ákvörðun bæjarstjórnar Akraness, og kosti rafveitan rekstur og viðhald lýsingarkerfisins.

Um mesta-álagsmæli þannig:

A.3. Til atvinnufyrirtækja með meira en 40 kw. afl, sem mesta ársálag:

Kr. 2530.00 fyrir hvert kw. mesta álags á árinu, og kr. 0.75 fyrir hverja kwst.

II. Hitanotkun.

Um kwst.-mæli á:

D.1. Kr. 1.54 kwst. án rofs.

D.2. Kr. 0.83 kwst. með allt að 1½ klst. rofi á sólarhring.

D.3. Kr. 0.77 kwst. með allt að 2½ klst. rofi á sólarhring.

D.4. Kr. 0.61 kwst. með allt að 4½ klst. rofi á sólarhring.

D.5. Kr. 0.44 kwst. með allt að 14½ klst. rofi á sólarhring.

D.6. Kr. 0.50 kwst., ef notkun fer fram eingöngu á tímabilinu frá 1. maí til 15. október ár hvert. Róftími er allt að 3 klst. á sólarhring. Einnig má selja eftir þessum taxa orku, sem rafveitunni er heimilt að rjúfa að vild.

Eftir taxa D.3. má einnig selja raforku með blönduðu rofi, þannig að hluti notkunar sé rofinn í 14½ klst. á sólarhring, en á móti sé a. m. k. jafnmikið afl örofið.

Gjaldið breytist með útsöluverði á disilolíu í Reykjavík á hverjum tíma og miðast hér við grunnverð kr. 3.96 á olíulíttra. Kwst.-gjaldið standi jafnan á heilum eyri.

Sala til hitanotkunar er háð nánari ákvörðun rafveitustjóra og rafveitunefndar m. a. með tilliti til:

a. Að raforka sé aflögu vegna almennrar notkunar (forgangsnotkunar) að dómi rafveitustjóra.

b. Að vélaafl, spennar og rafstrengir þoli álag að dómi rafveitustjóra.

c. Verðlags og hagkvæmni slíkrar sölu að dómi rafveitustjóra og rafveitunefndar.

Notendur rafhita skulu fá skrifleg leyfi (hitaleyfi) fyrir slíka notkun. Þar skal greint frá hve mikið afl er heimilt að setja upp og hvaða gjaldalið skuli greitt eftir. Ef tvö ár eru liðin frá útgáfu slíks leyfis, en notkun ekki hafin, skal leyfið endurnýjað. Sé það ekki gert fellur leyfið úr gildi.

Önnur skilyrði fyrir raforkusölu til hitunar eru:

d. Að straumur sé rofinn á tilskildum tíma með sjálfvirkum búnaði og kosti notandinn tengingu slíks búnaðar og greiði leigu af honum samkvæmt 2. kafla.

e. Að tækj, lagnir og allur búnaður í sambandi við rafhitunina sé samkvæmt fyrir-mælum rafveitunnar og settum reglum. M. a. ofnar fasttengdir með sérstökum rofum, hitastillar notaðir.

f. Að notkun um mæli hitalagnarinnar sé eigi minni en 6000 kwst. á ári. Undanþegin þessu ákvæði er þó notkun samkvæmt taxa D.1. Ef notkun er minni en 6000 kwst. á ári er rafveitunni heimilt að krefjast gjalds fyrir 6000 kwst. notkun eða færa notkunina yfir á taxa D.1.

Þegar sérstaklega stendur á er rafveitustjóra heimilt að tilskildu samþykki rafveitunefndar að selja raforku eftir sérstökum samningi í hvert skipti.

II. KAFLI

Mæla- og rofaleiga.

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum samkvæmt eftirfarandi:

1. Af einfasa kwst.-mæli allt að 30 amp. kr. 8.00 á mán.

2. Af þrífasa kwst.-mæli 50 amp. og minni — 16.00 á mán.

3. Af þrífasa kwst.-mæli yfir 50 amp. til 200 amp. — 39.00 á mán.
 4. Af þrífasa kwst.-mæli yfir 200 amp. — 58.00 á mán.
 Af klukkurofum skal notandinn greiða leigu sem hér segir:
1. Af ein- eða tvíþóla kl.rofa 40 amp. og minni kr. 51.00 á mán.
 2. Af þríþóla kl.rofa 60 amp. og minni — 64.00 á mán.
 3. Af þríþóla kl.rofa yfir 60 amp. til 200 amp. — 80.00 á mán.
 4. Af þríþóla kl.rofa yfir 200 amp. — 102.00 á mán.
 5. Af fjarstýrandi klukkurofa — 16.00 á mán.

Að öðrum mælitækjum og rofum en þeim, sem nefndir eru í skránni, skal ársleigan vera sem næst 20% af verði tækisins. Leiguna skal innheimta um leið og gjald fyrir raforkuna.

III. KAFLI

Tengigjöld (heimtaugar).

Rafveitustjóri ákveður stærð og gerð heimtaugar eða spennistöðvar fyrir húsveitu.

Af hverri húsveitu, sem tengd er við rafveituna, skal greiða tengigjald sem hér segir:

Gjaldskrár- liður nr.	Málstraumur stofnvara		Flutningsgeta miðuð við stærð stofnvara kVA	Tengigjald jarðstrengshæð allt að 15 m eða lofthæð allt að 30 m kr.
	220 V kerfi amp.	380 V kerfi amp.		
1.1	2 × 60	1 × 60	13	4 930.00
1.2	3 × 60	2 × 60	22	6 920.00
1.3	3 × 100	3 × 60	38	10 020.00
1.4		3 × 100	66	16 400.00
1.5	3 × 200		76	18 600.00
1.6	3 × 350	3 × 200	132	30 600.00
1.7		3 × 350	231	52 200.00

Fyrir vinnuheimtaugar fyrir hús í byggingu á skipulögðum svæðum skal greiða kr. 1800.00.

Lengd heimtaugar reiknast frá lóðarmörkum við götu, stytztu greiðfæra leið að varkassa.

Yfirlengdargjald jarðstrengs reiknast á hvern meter umfram fyrstu 15 metrana þannig: $Y_j = (430 + 5.4 \times \text{kVA})$ kr./m.

Yfirlengd loftlínu reiknast á hvern meter umfram fyrstu 30 metrana þannig: $Y_l = (72 + 3.6 \times \text{kVA})$ kr./m, að viðbættum kr. 3600.00 á hvern stólpa í umfram línu.

Tengigjöld miðuð við stærð spenna:

Gjaldskrárliður nr.	Stærð spennis kVA	Tengigjald kr.
2.1	150	34 600.00
2.2	300	69 600.00
2.3	500	110 100.00
2.4	750	164 000.00

Tengigjald skal reikna eftir þessum gjaldskrárlið, þegar spennistöð er byggð að mestu eða öllu leyti í þágu eins notanda. Skal notandi þá leggja til lóð eða hús-næði fyrir spennistöðina, eftir því sem hagkvæmara þykir að dómi rafveitustjóra

vegna staðsetningar stöðvarinnar. Húsnæðið skal fullnægja að öllu leyti settum skilyrðum um gerð spennistöðvahúsa. Kostnaður notandans við gerð húsnæðis fyrir spennistöðina kemur til frádráttar tengigjaldi samkvæmt þessari gjaldskrá. Þó aldrei meiri frádráttur en tengigjaldinu nemur.

Þessi gjaldskrá tengigjalda gildir í skipulögðum hverfum innan Akraneskaupstaðar. Í óskipulögðum hverfum greiðist tengigjald eftir kostnaði samkvæmt reikningi rafveitunnar. Tengigjald fellur í gjalddaga, þegar setningu heimitaugar eða byggingu spennistöðvar er lokið.

IV. KAFLI

Opnunargjöld.

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, kr. 150.00.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún eigi opnuð fyrr en notandinn hefur greitt kr. 150.00 gjald í skrifstofu rafveitunnar.

Í framangreindum verðum er innifalinn 11% söluskattur, nema í I. kafla II, sölu til hitanotkunar, en á þá sölu er ekki lagður söluskattur.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Akraness nr. 238 30. október 1970 með síðari breytingum.

Iðnaðarráðuneytið, 13. júní 1972.

Magnús Kjartansson.

Jóhannes Guðfinnsson.

REGLUGERÐ

fyrir Vatnsveitu Siglufjarðar.

1. gr.

Vatnsveita Siglufjarðar er eign Siglufjarðarkaupstaðar og er rekin í þeim tilgangi að fullnægja vatnsþörf heimila og fyrirtækja í kaupstaðnum, eftir því sem við verður komið og reglugerð þessi kveður nánar á um.

Vatnsveita Siglufjarðar er sjálfstætt fyrirtæki í rekstri Siglufjarðarkaupstaðar með sérstöku reikningshaldi.

Reikningar Vatnsveitu Siglufjarðar skulu jafnan fylgja reikningum bæjarsjóðs Siglufjarðar til endurskoðunar og samþykktar.

2. gr.

Bæjarstjórn Siglufjarðar hefur æðsta vald í málefnum Vatnsveitunnar og í umboði hennar annast bæjarráð daglega umsjón með framkvæmd starfa, er vatnsveituna varða.